

STATUTI I SHOQËRISË

“Zarola” sh.p.k

TITULLI

Neni 1: Themelimi, emërtimi, objekti, kohëzgjatja, selia dhe hapësira në internet Data e themelimit, emërtimi dhe themeluesit

- (1) Sot, më 17.08.2020 (Shtatëmbedhjetë, i teti, dymjë e njëzet), në mbështetje të legjislacionit shqiptar respektivisht Ligjt Nr.9901, datë 14.04.2008 “Për tregtarët dhe shoqëritë tregtare” dhe Ligjt Nr. 9723, datë 03.05.2007 “Për Qendrën Kombëtare të Regjistrimit”, unë themelues i “Zarola” sh.p.k kam formuluar statutin e shoqerise, si shoqëri me përgjegjësi të kufizuar të së drejtës shqiptare, si me poshtë:
- (2) Ortaku i vetëm themelues i shoqerisë:
1. **Z. Tommaso Zippo**, i biri i Giovanni Zippo dhe i Florinda Stefano, lindur në Casarano, Itali me 01/04/1950, nuk njeh dhe nuk flet gjjuhën shqipe, banues në Casarano Itali, rruga Marsala n.95 , me cilësinë e Ortakut Themelues dhe njëkohësisht të Administratorit te shoqerise “Zarola” sh.p.k me identitet me Kartë Italiane Nr. AS 7309828

Neni 2: Objekti

Shoqëria me Përgjegjësi të Kufizuar “Zarola” sh.p.k do të zhvillojë aktivitet me objektin e veprimitarisë si më poshtë:


- Prodhimi i kepcëve, çizmeve, artikujve prej lëkure, aksesorë për këpcë dhe veshje si për llogari të vet , ashtu edhe për palët e treta, Import-eksport.
- Prodhimi i kepcëve, çizmeve, artikujve prej lëkure, aksesorë për këpcë dhe veshje me material porositesi (fason), import-eksport.
- Kompania në thelb mund të ndërmarrë dhe ndonjë veprimtari, edhe pse jo e shprehur në listën e mësipërme, si financiare, industriale, komerciale, etj që konsiderohet e nevojshme ose e dobishme për arritjen e qëllimit të saj.
- Ushtrimit të cdo veprimtarie të ligjshme, të lejueshme për formën e shoqerise, e cila nuk ndalohet me ligj sipas nenit 7 të Ligjt tregtar nr.9901, dt.14.04.2008.

Neni 3: Kohëzgjatja

Kohëzgjatja e veprimitarisë ekonomike e Shoqërisë Tregtare “Zarola” sh.p.k është e pakufizuar. Ajo mund të shpërbëhet në çdo moment, sipas vendimeve të marra nga Asambleja e Ortakëve.

Neni 4: Selia, hapësira në internet dhe adresa elektronike

- (1) Selia e Shoqërisë Tregtare “Zarola” sh.p.k. është : Lagja Nr.4, Rruga “Fetah Blaca” Pallati Nr.1134 katë II përballë shkollës “Jusuf Puka” Durrës. Shoqëria zhvillon aktivitetin e saj në të gjithë territorin e Republikës së



Shqipërisë. Për këtë, ajo mund të hapë edhe seli të tjera operative, filiale, përfaqësi dhe agjensi në të gjithë territorin e R.SH, në përputhje me ligjet.

- (2) Adresa e Shoqërisë për qëllime komunikimi elektronik është si vijon:
- Shqipëri Cel. +355 69 79 85 357 , Itali +339 329 046 1369
 - Tel-Fax +355
 - Email: - filippojrdonadeo@denirobootco.com

TITULLI II


Kapitali

Neni 5: Shuma dhe pagesat e kapitalit themeltar

- (1) Kapitali themeltar i kësaj Shoqërie me Përgjegjësi të kufizuar "Zarola" sh.p.k është 125.000 (njëqindenjëzetepesëmijë) Lekë dhe është i ndarë në 1 (një) kuotë të të njëjtës madhësi, me vlerë nominale 125.0000 (njëqindenjëzetepesëmijë) Lekë për çdo kuotë. Themeluesit marrin në pronësi kuotat e tyre në kapitalin themeltar në përputhje me kontributin e tyre.
- (2) Kontributi i ortakëve themelues në kapitalin themeltar është si më poshtë:
Ortaku Themelues: Tommaso Zippo cili zoteron 100% (njëqindpërqind) të pjesëve ose 1 (një) kuotë me vlerë nominale 125.000 (njëqindenjëzetepesëmijë) lekë për kuotë. Vlera e zoteruar 125.000 (njëqindenjëzetepesëmijë) leke.
- (3) Kontributet e mësipëmë janë shlyer tërësisht.

Neni 6: Kërkesa për të paguar kuotat e kapitalit dhe térheqja e kuotave të papaguara

- (1) Administratori mund t'u kërkojë ortakëve të paguajnë kontributin e papaguar në lidhje me kuotat e tyre dhe çdo ortak, në varësi të marrjes së një njoftimi prej të paktën, katërmëdhjetë ditësh të plota, që përcakton kohën dhe vendin se ku duhet të bëhet pagesa, i paguan shoqërisë shumën e kërkuar për kuotat e veta, si përcaktohet në njoftim. Thirrja për pagesë mund të kërkojë që pagesa të bëhet me këste. Personi të cilil i drejtohet thirrja për pagesën e kontributit përgjigjet për thirrjet që i bëhen pavarësisht kalimit të mëpasshëm të pronësisë së kuotave me të cilat lidhet thirrja për pagesë.
- (2) Zotëruesit e përbashkët të një kuote, mbajnë përgjegjësi bashkarisht dhe veçmas për të shlyer të gjitha thirrjet për pagesë të kontributit, të cilat lidhen me këtë kuotë.
- (3) Nëse një thirrje për pagesë mbetet e papaguar pas mbarimit të afatit, Administratori mund t'i japë një njoftim prej jo më pak se katërmëdhjetë ditësh të plota personit që është përgjegjës për pagesën, përmes të cilil i kërkojnë të paguajë shumën e papaguar së bashku me interesin që mund të jetë akumuluar. Në njoftim jepet emri i vendit ku duhet bërë pagesa dhe në të deklarohet se nëse nuk zbatohet, kuotat e pronësisë me të cilat lidhet njoftimi, përgjigjen duke u anuluar.
- (4) Nëse njoftimi nuk zbatohet, kuota me të cilën lidhet njoftimi, përpëra se të bëhet pagesa e kërkuar nga njoftimi, mund të térhiqet me vendim të Administratorit dhe térheqja përfshin edhe të gjithë dividendët ose shumat e tjera të pagueshme në lidhje me aksionet e térhequra dhe të papaguara deri në momentin e térheqjes.
- (5) Në varësi të parashikimeve të Ligjit, një kuotë e térhequr mund të shitet, të rishpërndahet ose të hiqet në bazë të kushteve dhe mënyrës që konsiderohet e arsyeshme nga administratori.
- (6) Personi prej të cilil janë térhequr kuotat e kapitalit pushon së qeni ortak në lidhje me kuotat e térhequra, por vazhdon të jetë



përgjegjës përpara shoqërisë për të gjitha kontributet të cilat janë të pashlyera në datën e tërheqjes së kuotave në lidhje me këto kuota së bashku me interesin e llogaritur me normën e interesit të zbatueshëm për këto kontribute përpara tërheqjes.

Neni 7: Kuotat, të drejtat dhe kufizimet

Në varësi të dispozitave të Ligjit dhe pa cënuar të drejtat që rrjedhin nga kuotat ekzistuese, çdo kuotë mund të emetohet me të drejta ose kufizime të tilla siç përcaktohet në vendimin e kualifikuar me 75% (shtatëdhjetë e pesë përqind) të kapitalit të Asamblesë së Përgjithshme.

Neni 8: Çertifikatat e kuotave të kapitalit

Ortaku, në momentin e marrjes së pronësisë së kuotave të kapitalit, fiton të drejtën të marrë pa pagesë një çertifikatë për të gjitha kuotat që zoteron. Shoqëria nuk është e detyruar të lëshojë më shumë se një çertifikatë për kuotat në zotërim të përbashkët të disa personave dhe dhënia e çertifikatës përfaqësuesit të zotërueshve të përbashkët sipas Nenit 72, paragrafi (2) të Ligjit 9901 28.04.2008 "Per Tregetaret dhe Shoqerite Tregetare" përbën një dhënie të mjaftueshme për të gjithë këta zotëruesh. Emrat e zotërueshve të përbashkët renditen në çertifikatën e kuotës. Ky vërtetim nuk ka natyrën e letrës me vlerë.


Neni 9: Kalimi i kuotave me kontratë

- (1) Kontrata e kalimit të kuotës bëhet me shkrim dhe në bazë të formaliteteve të vendosura nga Administratori. Kalimi i kuotës i njoftohet selisë së regjistruar të Shoqërisë.
- (2) Administratori mund të mos pranonjë ta regjistrojë kalimin e kuotës pranë QKR-së, nëse kuota nuk është shlyer tërësisht ose nëse nuk janë dakord që kuotën ta marrë marrësi.
- (3) Nëse Administratori nuk pranon ta regjistrojë kalimin e kuotës, ata, brenda një muaji pas datës në të cilën është bërë kërkesa për regjistrimin e kalimit në shoqëri, i dërgojnë marrësit njoftimin për mospranimin.

Neni 10: Kalimi përmes trashëgimisë ose falimentit

- (1) Nëse një ortak vdes, bashkëzotërueshit e mbetur gjallë dhe, në rastin kur është zotëruesh i vetëm ose një bashkëzotëruesh i vetëm i mbetur gjallë, trashëgimtarët e tij, janë të vetmit persona, të cilët shoqëria i njeh si titularë të kuotës së tij; Por, asnjë dispozitë e këtushme, nuk e çliron pasurinë e ortakut të vdekur nga përgjegjësia në lidhje me kuotën që ka pasur në zotërim i vetëm ose bashkarisht.
- (2) Personi që fiton të drejtën mbi një kuotë si pasojë e vdekjes ose falimentimit të një ortaku mundet që pas paraqitjes së provave të kërkua nga Administratori, të vendosë ose të bëhet zotëruesh i kuotës ose të kërkojë që si zotëruesh i kuotës të regjistrohet një person tjeter i caktuar prej tij. Nëse vendos të bëhet zotëruesh vetë, ai e njofton shoqërinë në lidhje me këtë. Nëse vendos që të kërkojë që si zotëruesh i kuotës të regjistrohet një person tjeter, ai shfrytëzon një instrument të kalimit të kuotës tek ky person tjeter.
- (3) Personi që e fiton të drejtën mbi një kuotë si pasojë e vdekjes ose falimentimit të një ortaku gjëzon të drejtat, titullar i të cilave do të kishte qenë si zotëruesh i kuotës, me përjashtim të faktit që, përpresa se të regjistrohet pranë QKR-së, ai nuk gjëzon të drejtën e pjesëmarrjes ose të votës në asamblenë e shoqërisë.

Neni 11: Zmadhimi dhe zvogëlimi i kapitalit



- (1) Asambleja e Përgjithshme mund ta zmadhojë kapitalin, me vendim të kualifikuar, duke rritur kuotat e ortakëve ekzistues me shumat që përcaktohen në vendimin e marrë prej saj. Në këtë rast, vendimi duhet gjithmonë të merret me votën pro të ortakëve që përfaqësojnë të paktën 75%(shtatëdhjetë e pesë përqind) të kapitalit. Në rast zmadhimi të kapitalit themeltar, të gjithë ortakët do të kenë të drejtë të nënshkruajnë zmadhimin e tij në proporcion me pjesët e tyre në kapital. I njëjtë vendim i kualifikuar kërkohet edhe kur zmadhimi i kapitalit pritet t'u japë mundësi ortakëve të rinj të hyjnë në shoqëri.
- (2) Me anë të një vendimi të kualifikuar, shoqëria mund ta zgjedhojë kapitalin e vet. Në këtë rast, vendimi duhet gjithmonë të merret me votën pro të ortakëve që përfaqësojnë të paktën 75%(shtatëdhjetë e pesë përqind) të kapitalit. Në rast zgjedhimi të kapitalit themeltar, të gjithë ortakët do të kenë të drejtë të nënshkruajnë zgjedhimin e tij në proporcion me pjesët e tyre në kapital. Në çdo rast, kapitali i shoqërisë nuk mund të zgjedhohet nën kufirin e parashikuar me ligj.

Neni 12: Blerja e kuotave nga ortakët dhe të tjerët

Ortakët e shoqërisë kanë përparësi për blerjen e pjesës që shitet përpara personave të tretë jashtë shoqërisë. Ortaku që dëshiron të transferojë ose të shesë kuotat e tij i drejton një kërkesë me shkrim asamblesë, duke saktësuar çmimin e shitjes, i cili duhet të jetë i njëjtë me atë që do t'i ofrohet edhe një personi të tretë jashtë shoqërisë si dhe të dhënat e blerësit. Ortaku jep ofertën brenda 60 ditëve nga data e njoftimit dhe duhet t'u transmetojë ortakëve të tjerë këtë kërkesë dhe ortakët e tjerë duhet të japid një përgjigje brenda 60 ditëve. Edhe e drejta e përparësisë, duhet t'u jepet me shkrim duke iu drejtuar asamblesë.

E drejta e përparësisë është proporcionale me kuotat e secilit prej ortakëve, por nëse një ortak nuk është i interesuar, tjetri mund t'i blejë kuotat që shiten.

E drejta e përparësisë është në proporcion me kuotat e secilit prej ortakëve. Asambleja pasi ka kaluar afati prej 60 ditëve, brenda 30 ditëve i komunikon ortakut që shet kuotat e tij, vendimin e ortakëve të tjerë për të blerë të gjithë ose pjesërisht kuotat e tij. Në rast se kuotat nuk shiten brenda shoqërisë, atëherë këto kuota brenda 60 ditëve i ofrohen personave të tretë jashtë shoqërisë. Transferimi dhe shitja e kuotave, duhet të bëhet me akte notariale dhe një kopje e këtij akti duhet të depozitohet në librin e ortakëve.

TITULLI III

Neni 13: Mbledhja e Asamblesë së Përgjithshme

- (1) Administratori mund të thërrasë mbledhjen e Asamblesë së Përgjithshme, dhe duhet të procedojne me thirrjen e Asamblesë së Përgjithshme, sa herë ta kërkijnë ortakët në përputhje me Nenin 84 të Ligjit.
- (2) Mbledhja e Asamblesë se Përgjithshme thirret nepermjet një njoftimi te derguar me poste, ose një mesazhi me postë elektronike, që i drejtohet secilit prej ortakëve, përfshirë edhe përfaqësuesin e kuotave në zotërim të përbashkët. Njoftimi me shkresë apo me mesazh elektronik, duhet të permbate vandin, daten, oren e mbledhjes dhe rendin e dites, dhe tu dergohet te gjithe ortakeve, jo me vone se 7 (shtatë) ditë përpara dates se parashikuar per mbledhjen e asamblese. Secilit ortak, së bashku me njoftimin për mbledhjen, i dërgohet edhe PIN-i për të mundësuar pjesëmarrjen dhe votimin në mbledhje.
- (3) Kur Asambleja e Përgjithshme nuk eshte thirrur sipas pikes 1 te ketij neni, ajo mund te marre vendime te vlefshme, vetem nese te gjithe ortakët janë dakort, per te marre vendime, pavaresisht parregullsise.

Neni 14: Punimet e mbledhjes së Asamblesë së Përgjithshme



- (1) Asambleja e Përgjithshme merr vendime te vlefshme vetem me arritjen e kuorumi te parashikuar nga Neni 86 i ligjit. Ortakët ose perfaqesuesit e autorizuar mund të marrin pjese edhe përmes mjeteve elektronike, përfshirë telekonferencën, qoftë kjo përmes lidhjes me audio ose përmes lidhjes me audio dhe video, sipas Nenit 88 te ligjit. Ortakët që marrin pjesë përmes mjeteve te komunikimit elektronik, kanë të drejtë të votojnë nepermjet numrit PIN-in, që u është dhënë së bashku me njoftimin për mbledhjen e Asamblesë së Përgjithshme.
- (2) Administratori cakton një Kryetar për të drejtar punimet e mbledhjes dhe një person për të mbajtur procesverbalin e mbledhjes.
- (3) Nese asnje prej Administratorëve nuk dëshiron të caktobet si Kryetar i mbledhjes, ose neseasnje prej Administratoreve nuk eshte i pranishëm për pesëmbëdhjetë minuta duke filluar nga ora e caktuar për fillimin e mbledhjes, ortakët e pranishëm me te drejte vote zgjedhin njërin prej tyre si Kryetar të mbledhjes.
- (4) Pavarësisht nese është apo jo ortak, Administratorit i lejohet të marrë pjesë dhe të flasë në mbledhjet e Asamblesë së Përgjithshme.
- (5) Kryetari me pëlqimin e Asamblesë së Përgjithshme te mbledhur ne perputhje me kuorumin e caktuar me ligj, mundet (dhe është i detyruar, nese ia kërkon Asambleja e Pergjitheshme), t'i shtyjë mbledhjen e Asamblesë se Pergjitheshme, por në një mbledhje e dyte mund të diskutohen ato ceshtje te cilat do te ishin diskutuar rregullisht nese nuk do të ishte shtyrë mbledhja e meparshme e Asamblesë. Asambleja mblidhet perseri jo me vone se 30 dite, me te njejtin rend dite.
- (6) Asambleja vodos me votë të hapur, me perjashtim te rastit kur perpara ose gjate deklarimit te rezultatit, nuk kerkohet me menyren e duhur, një votim i fshehte. Votimin e fshehtë mund ta kërkojë 1. Kryetari; ose 2. një ortak ose disa ortakë që përfaqësojnë jo më pak se pesë përqind të votave gjithsej të asamblesë së shoqërisë. Kërkesa e bëre nga një person që ka prokurë votimi nga një ortak, ka të njëjtën vlerë sikur ta bëjë ortaku në fjalë.
- (7) Nese nuk kundërshtohet nga një ortak, deklarata nga ana e Kryetarit, se një vendim është miratuar në mënyrë unanime ose me një shumicë të caktuar ose nuk është miratuar me një shumicë të caktuar dhe regjistrimi i këtij fakti në procesverbalin e takimit është informacion i formës së prerë i faktit, pa pasur nevojë për provën e numrit apo përqindjes së votave të regjistruara pro ose kundër vendimit.
- (8) Nese ka kundërshtime për këtë deklarate, atëherë zhvillohet një votim i fshehtë për të përcaktuar numrin e votave të hedhura pro dhe kundër vendimit.

Neni 15: Votat e ortakëve

- (1) Në varësi të të drejtave ose kufizimeve të lidhura me kuotat, secila kuotë e një ortaku i cili (si individ) është i pranishëm vetë ose përmes një prokure përfaqësimi ose (si shoqëri) është i pranishëm përmes përfaqësuesit të autorizuar në mënyrë të rregullt ose përmes një prokure përfaqësimi ka të drejtën e një vote.
- (2) Asnjë ortak nuk voton në mbledhjen e Asamblesë së Përgjithshme personalisht ose përmes një prokure përfaqësimi, në lidhje me kuotat që zoteron vetë, nese nuk janë paguar tërësisht kontributet nga ana e tij në lidhje me kuotën në fjalë.
- (3) Kundërshtimet e gritura për plotësimin e kushteve nga ana e një votuesi i bëhen në kohë Kryetarit, vendimi i të cilit është i formës së prerë. Të gjitha votat e pahequra në një mbledhje ose mbledhje të shtyrë janë të vlefshme.

Neni 16: Hetimet e posacme

Personi ose personat që plotësojnë kushtet për të kërkuar emërimin ose zëvendësimin e një audituesi të posacëm sipas Nenit 91 të Ligjit e bëjnë një kërkësë të tillë përmes depozitimit në selinë e shoqërisë të një dokumenti së bashku me një deklaratë



noteriale e cila vërteton se personi ose personat i plotësojnë kushtet për këtë veprim.

TITULLI IV

Administratori

Neni 17: Emërimi i administratorit

- (1) Asambleja e Përgjithshme emëron një person fizik si administrator të vetëm të shoqërisë për pesë vjet sipas Nenit 81 paragrafi (1) pika 3 dhe Nenit 95 të Ligjit. Emërimet i nënshtrohen individualisht një vendimi me votën pro të shumicës së zakonshme, të kapitalit themelues, nëse miratohet, çon në zgjedhjen e personit të propozuar si administrator.
- (2) Kufizimet në lidhje me emërimin e administratorit parashikohen në Nenin 95, paragrafi (2) i Ligjit.
- (3) Shoqëria do të drejtobet nga Administratori i zgjedhur nga mbledhja e zakonshme e asamblesë së përgjithshme, i cili emërohet në këtë detyrë për një periudhë kohore 5(pesë)vjeçare, me të drejtë riemërimi.
- (4) Administrator i shoqërisë emërohet **Z. Tommaso Zippo**, per një periudhe prej 5 vjetesh, nga data e depozitimit te statutit ne QKB.

Neni 18: Kompetencat e Administratorit

- (1) Veprimitaria tregtare e shoqërisë menaxhohet nga Administratori, i cili mund t'i ushtrojë të gjitha kompetencat e shoqërisë që nuk i janë rezervuar Asamblesë së Përgjithshme nga Neni 81 i Ligjit (6).

Administratori ka këto të drejta dhe detyrime:

- të kryejë të gjitha veprimet e administrimit të veprimtarisë tregtare të shoqërisë;
- të përfaqësojë shoqérinë, në mënyrë aktive ose pasive, përpala çdo autoriteti gjyqësor, administrativ, fiskal, në çdo procedurë, në çdo shkallë të gjykimit, si në Shqipëri ashtu dhe jashtë saj, me të drejtën për të nënshkruar çdo akt ose dokument të nevojshëm sipas rastit, personalisht ose duke ndjekur formalitetet përkatëse, pra, edhe me lëshimin e prokurave, mandateve të veçanta për avokatë, mbrojtës, të përgjithshme che për mosmarrëvashje; të lëshojnë ose të revokojnë mandate *ad lites* avokatëve dhe mbrojtësve dhe *ad negotia* punonjësve të shoqërisë ose të tretëve për një ose më shumë veprime, në kuadër të kompetencave përkatëse;
- të kryejë çdo operacion financiar dhe/ose tregtar (*kontrata leasing; operacione cedimi kredie*) aktive dhe pasive, që ka lidhje me operacione që hyjnë në objektin e shoqërisë, duke marrë përsipër angazhime dhe përbushje të formalitetave të nevojshme, duke përfshirë dorëzimin;
- të çelin llogari rrjedhëse bankare, të kryejë têrheqje parash, të japë dispozita të pagesës, të firmosë çeqë që të kenë vlerë tek këto llogari rrjedhëse, edhe të zbuluar, në kufijtë e besueshmërisë së atij momenti (*overcover*), të verifikojë këto llogari rrjedhëse dhe të miratojë llogarinë;
- të punësojë, të pezullojë, të pushojë nga puna dhe të ndryshojë kushtet që lidhen me marrëdhëni e punës së personelit;
- të ndërveprojë me Entet e Administratës Publike për çdo negocim që lidhet me oferta, projekte, pjesëmarrje, gjithnjë brenda kufijve të parashikuar nga objekti i shoqërisë;
- të lëshojë ekstrakte të borderove dhe vërtetime që lidhen me personelin, si për entet e sigurimeve shoqërore, ashtu dhe përente të tjera ose private; të kujdeset për respektimin e përbushjeve, ndaj të cilave shoqëria është e detyruar, me të drejtën për të nënshkruar deklarata tatimore, që kanë lidhje me mbajtjet nga të ardhurat e punës së varur ose autonome që janë përdorur;



- të nënshkruajë deklarata fiskale në lidhje me taksat dhe tatumet në përgjithësi, si dhe çdo akt ose certifikatë të parashikuar nga legislacioni fiskal në fuqi, të kërkojë reimbursime dhe lehtësimë nga taksat dhe tatumet, të përfaqësojë shoqërinë përparrave organeve të administratës fiskale dhe pranë komisioneve tatumore të çdo shkalle, me të drejtën për të emëruar mbrojtës të posaçëm;
- të përfaqësojë shoqërinë pranë organeve publike, tatumore dhe administrative, edhe me qëllim fitimin e koncesioneve, licencave dhe lejeve, duke emëruar, nëse është e nevojshme edhe mbrojtës të posaçëm;
- të nënshkruajë komunikimet e bankës mbi kryerjen e akreditimit dhe borxhit në llogari rrjetëse dhe ekstrakteve periodike të llogarive rrjetëse përvartësit e shoqërisë për shumat e depozituara pranë saj;
- të nënshkruajë kontrata shitblere të mallrave dhe shërbimeve, në kufijtë e objektit të shoqërisë;
- të ndërtojë, të përfundojë dhe të administrojë marrëdhënie bankare, duke rënë dakord mbi afatet dhe kushtet;
- të kryejë çdo formalitet përfirme e një akti dhe/ose dokumenti me qëllim depozitimin e akteve dhe dokumentave të shoqërisë pranë Gjykatës, Dhomës së Tregtisë, Zyrave Fiscale dhe Enteve të tjera;
- të përfaqësojë shoqërinë në asambletë e shoqërive të tjera, shoqatave, konsorciumeve dhe në marrëdhëni me këto ente, organet e tyre dhe ortakët ose të asocuarit e tyre, dhe të emërojë përfaqësues, të delegojë me mandat dhe/ose prokurë, aq sa i takon kompetencave të tij.

(2) Administratori mund t'i delegojë kompetencat e tij komiteteve që përbëhen nga një ose më shumë anëtarë. Një delegim i tillë mund të bëhet në varësi të kushteve që mund të vendosë Administratori dhe mund të revokohet ose të ndryshohet.

(3) Asnjë ndryshim i Statutit dhe asnjë direktivë nga ana e Asamblesë së Përgjithshme nuk mund t'i bëjë të pavlefshme veprimet e mëparshme të Administratorit, të cilat do të kishin qenë të vlefshme, nëse nuk do të ishte bërë ndryshimi apo nëse nuk do të ishin dhënë direktiva.

(4) Administratori nuk mund të delegojë asnjëri prej detyrimeve, të cilat ia ngarkon ligji.

Neni 19: Skualifikimi dhe largimi i administratorit

(1) Posti i Administratorit lirohet nëse:

1. pushon së qeni Administrator në bazë të dispozitave të Ligjit përfshirë Nenin 95 paragrafi (6).
2. hyn në procedurën e paaftësisë paguese;
3. vuau ose mund të vuajë nga çregullime mendore;
4. jep dorëheqjen përmes një njoftimi që i bën Shoqërisë; ose
5. ka munguar përmë shumë se tre muaj radhazi pa lejen në aktivitetin e përditshëm të shoqërisë ose Asambleja e Përgjithshme, me propozim të Ortakëve të tjerë vendos ta lirojë nga detyra.

Neni 20: Shpërbimi i punës, përfitimet e tjera dhe shpenzimet e Administratorit

- (1) Administratori ka të drejtë të marrë shpërbim për punën e tij, sipas vendimit të zakonshëm të Asamblesë së Përgjithshme të marrë në përputhje me Nenin 97 të Ligjit.
- (2) Asambleja e Përgjithshme mund të japë përfitime, në të holla, pensione, sigurime ose forma të tjera, për ata persona të cilët kanë punuar më parë për shoqërinë, ose për familjarë të tyre (përfshirë bashkëshortin, bashkëshorten, ish-bashkëshortin ose ish-bashkëshorten) ose për persona të cilët janë në varësi të tyre, dhe mund të japë kontribute në fonde të caktuara për dhënien e përfitimeve të tilla (si përparrave ashtu dhe pasi personi në fjalë pushon së mbajturi postin ose marrëdhëni e



punës).

Neni 21: Vendimet e Mbledhjeve të Administratorit

- (1) Mbledhjet e Administratorit mbahen sa herë ta kërkojë aktiviteti i shoqërisë.
- (2) Të gjitha aktet e kryera nga Administratori ose nga një person që ushtron detyrën e caktuar nga Administratori, pavarësisht faktit nëse më vonë zbulohet se ka pasur mangësi në emërimin e tij ose ka qenë i skualifikuar nga e drejta për të mbajtur detyrën ose nuk ka pasur të drejtë vote, janë të vlefshëm njësoj sikur të gjithë këta persona të ishin emëruar rregullisht, të plotësonin kushtet, të vazhdonin të ishin Administratorë.

Neni 22: Kufizimet për votimin

- (1) Një Administrator nuk lidh asnjë marrëveshje dhe nuk merr vendime për asnjë çështje në të cilën ka, drejtëpërdrejtë ose tërthorazi, një interes ose detyrë me rëndësi materiale dhe që bie ose mund të bjerë ndesh me interesat e shoqërisë sipas nenit 13 të Ligjit, nëse me vendim të Asamblesë së Përgjithshme nuk kanë rënë dakord:

1. të autorizojnë lidhjen e marrëveshjes nga ana e tij dhe,
2. ta autorizojnë të vendosë për çështjen në fjalë.

Autorizimi mund të jetë i përgjithshëm ose i posaçëm për një çështje të veçantë. Çdo aprovim i përgjithshëm duhet të regjistrohet në Qendrën Kombëtare të Regjistrimit.

- (2) Një Administrator nuk konsiderohet si pjesëtar i kuorumit të pranishëm në një mbledhje në lidhje me një vendim përfundim të cilin nuk ka të drejtë vote. Për përashtimin e Administratorit nga marrja e vendimit në një mbledhje të tillë zakonisht zbatohet përkatësisht Neni 89 i Ligjit.

Neni 23: Procesverbalet e mbledhjeve të Administratorit

1. Administratori kujdeset që në libra të posaçëm të mbajë procesverbalet e të gjitha takimeve të bëra nga Administratori.
2. Të të gjitha punimeve të mbledhjeve të Asamblesë së Përgjithshme dhe mbledhjeve të Administratorit dhe të komiteteve të krijuara nga Administratori, përfshirë edhe emrat e personave të ftuar të pranishëm në këto mbledhje.

TITULLI V

Dividentët dhe kapitalizimi i fitimeve

Neni 24: Dividentët

- (1) Pas përbushjes së kërkesave të Nenit 77 të Ligjit, shoqëria, me anë të një vendimi të kualifikuar, mund të shpallë dividentë në përputhje me të drejtat përkatëse të ortakëve.
- (2) Me përashtim të rasteve kur parashikohet ndryshe nga të drejtat që u lidhen kuotave, të gjithë dividentët deklarohen dhe paguhën në përputhje me shumat e paguara për kuotat në lidhje me të cilat paguhet dividenti. Të gjithë dividentët përpjesëtohen dhe paguhën në përpjesëtim me shumat e paguara për kuotat gjatë pjesës ose pjesëve të periudhës në lidhje me të cilat paguhet dividenti. Por, nëse kuotat emtohen me kushtin se merr divident, duke filluar nga një datë e caktuar atëherë kuota në fjalë e merr dividentin sipas këtij kushti.
- (3) Asnjë divident dhe asnjë mjet monetar i pagueshëm në lidhje me një kuotë nuk mund të fitojë interesa nga shoqëria nëse një gjë e tillë nuk parashikohet në të drejtat që i lidhen kuotës.



(4) Nëse një divident nuk është tërhequr pas dymbëdhjetë vjetëve nga data kur mund të tërhiqet pagesa, nëse Asambleja e Përgjithshme vendos me vendim të kualifikuar, ky divident mund të anullohet dhe shoqëria nuk është e detyruar ta paguajë.

Neni 25: Kapitalizimi i fitimeve

Me autoritetin që i jep një vendim i kualifikuar i Asamblesë së Përgjithshme dhe duke pasur në konsideratë parimet e vendosura nga Neni 14 i Ligjit, Administratorët mund të vendosin të kapitalizojnë fitimet e pashpërndara të shoqërisë që nuk kërkohen për të paguar dividente preferenciale ose borxhe të tjera të pashtyera ende nga shoqëria dhe kapitali i detyruar i shoqërisë.

TITULLI IV
Prishja dhe Njoftimet

Neni 26: Prishja dhe Likuidimi

Në rast të likuidimit të shoqërisë, likuiduesit me autoritetin që i jep një vendim i kualifikuar i Asamblesë së Përgjithshme dhe në përpunje me Ligjin, mund t'i shpërndajë ortakëve të gjithë vlerën ose një pjesë të vlerës së pasurive të shoqërisë dhe për këtë qëllim mund t'i vlerësojë pasuritë dhe të përcaktojë se si të bëhet një shpëndarje e tillë midis ortakëve.

Neni 27: Njoftimet

- (1) Njoftimet që i jepen personave ose që bëjnë personat sipas Statutit, duhet të janë me shkrim ose përmes komunikimit elektronik në adresën e parashikuar në Nenin 4, paragrafi (8) të këtij statuti që është i vlefshëm në momentin që i bëhet e ditur për këtë qëllim personit që bëri njoftimin.
- (2) Shoqëria mund t'i japë një njoftim një ortaku ose personalisht ose duke ia nisur me poste në një zarf për të cilin është paguar edhe kthimi i përgjigjes në adresën e regjistruar të ortakut ose duke ia lënë në këtë adresë ose duke ia dhënë përmes komunikimit elektronik në adresën që është e vlefshme për momentin dhe i është bërë e ditur shoqërisë nga ana e ortakut. Kur ka bashkëzotërues të një kuote, të gjitha njoftimet i jepen përfaqësuesit të bashkëzotëruesve në përpunje me Nenin 7, paragrafin (2) të Ligjit.
- (3) Në këtë statut, përfshihen shtesa dhe ndryshime dhe të gjitha dokumentat e tjera, raportet, komunikatat dhe procesverbalet e shoqërisë, vendosen nga Administratori në hapësirën në internet të shoqërisë të parashikuar në Nenin 4, paragrafi (2) i këtij Statuti.

Neni 28: Dispozita të përgjithshme

Përsa i përket çëshjeve që nuk janë parashikuar nga ky statut, do të aplikohen dispozitat e Shoqërite me Përgjegjësi të kufizuar sipas Ligjit 9901, datë 14.04.2008.

Selia e shoqërisë duhet të ketë të mbishkruar pas kësaj të paktën emrin e shoqërisë, numrin e vendimit dhe vitin e inkorporimit dhe fjalët "Vula e shoqërisë".

Çdo mosmarrëveshje që del nga kjo marrëveshje do të caktohet para gjykatës së vendit, ku ndodhet zyra e regjistruar e shoqërisë.



Neni 29: Dispozita përfundimtare

Ky Statut përpilohet në 6 (gjashtë) kopje origjinale, me vlerë të njëjtë ligjore, në gjuhën shqipe. Statuti mbylljet me 29 (Njëzet e nëntë) nene. Ky statut do të hyjë në fuqi menjëherë me regjistrimin e tij në QKB.

Lexuar, miratuar dhe nënshkruar.

ORTAKET
E SHOQERISE ME PERGJEGJESI TE KUFIZUAR
“Zarola” shpk

Z. Tommaso ZIPPO



Përkthuen nga shqipja në italiskit

Mentor Mazzoni 